



GEDRAGSKODE: LEERDERS:

1. INLEIDING

1.1 Die volgende wette dien as basis waarop die riglyne en vereistes van

hierdie gedragkode gebaseer is:

1.1.1 Die Suid-Afrikaanse Skolewet , 84 van 1996

1.1.2 Die Grondwet van die RSA , 108 van 1996

1.1.3 Die Vrystaat Provinsiale Onderwyswet

1.2 Hierdie gedragkode is aanvaar **na oorleg met die leerders, ouers en opvoeders** van Jacobsdal Primêre Skool op 2014-02-03 tydens 'n amptelike vergadering van die Skool se Beheerliggaam. Ons beskou Jacobsdal as 'n Waardegedrewe skool en wil daarop voortbou vir die voortbestaan van die skool.

1.3 Die Gedragkode kan van tyd tot tyd deur die Beheerliggaam gewysig word na oorleg met die betrokke partye.

2. DOEL VAN DIE GEDRAGSKODE

2.1 Volgens Artikel 8(2) van die SA Skolewet is die doel van die gedragkode "om 'n gedissiplineerde en doelgerigte skoolomgewing wat toegewy is aan die bevordering en instandhouding van die leerproses , te vestig". Die gedragkode wil dus:

- positiewe dissipline bevorder,
- leerders aanmoedig om selfdissipline aan te leer,
- voorbeeldige gedrag vestig as deel van die trots en tradisie van die skool,
- morele waardes, norms en beginsels daardel wat die skoolgemeenskap in stand moet hou,
- leerders inlig met betrekking tot die wyse waarop hulle hulle moet gedra of optree,
- leerders inlig oor die implikasies en gevolge van hul optrede.

2.2 Die Gedragkode erken die regte van die leerder soos vervat in die Grondwet van die RSA. Die volgende beginsels is veral ter sake.

2.2.1 Elke leerder het die reg op 'n regverdigde verhoor.

2.2.2 Elke leerder het die reg om deel te neem aan besluitneming aangaande sake wat hom/ haar aangaan, asook dat hulle menings oor sodanige sake geluister sal word.

2.2.3 Elke leerder het die reg tot nie-diskriminasie en gelykheid voor die wet.

2.2.4 Elke leerder het die reg om toestemming aan skool te verleen om foto's, beeldmateriaal of video's van hom/haar te vertoon soos uiteengesit in die vrywaring m.b.t. leerderfoto's, - beeldmateriaal en - video's vir demonstrasies, projekte, aktiwiteite in klaskameronderrig, webblaaie en sosialemediaplatforms, programuitgewers, wedstrydinskrywings, televisieuitsendings, en enige gedrukte media publikasies wat insluit, koerante, tydskrifte, jaarboeke, ens.

2.2.5 Elke leerder het die reg tot vryheid van uitdrukking, mits dit nie die volgende aantast nie:

- wedersydse respek vir mekaar
- respek vir die etos van die skool
- die vrywillige godsdienstbeoefening van hierdie skool
- die ordelike en gedissiplineerde werksaamhede van die skool
- die regte van ander leerders, opvoeders of werkers

2.2.6 Leerders het die reg op 'n skoon en veilige omgewing wat bevorderlik is vir onderwys

- 2.2.7 Dit is die leerder se reg en voorreg om alle klasse by te woon. 'n Oortreding van die Gedragskode kan egter lei tot die verbeuring van hierdie voorreg.
- 2.2.8 Leerders kan van opvoeders verwag om 'n hoë standaard van professionele etiek te handhaaf en om teenwoordig te wees om hulle klasse te onderrig. 'n Verhouding van wedersydse respek en vertroue tussen leerders en opvoeders moet nagestreef word.
- 2.3 In die beoefening van sy regte vereis die Gedragskode egter van elke leerder om:
 - 2.3.1 die regte van ander individue en van die groep hoër te ag as sy eie,
 - 2.3.2 sy pligte teenoor sy skool as opvoedkundige instelling na te kom,
 - 2.3.3 niks te doen wat die goeie naam van die skool kan skade berokken nie,
 - 2.3.4 die belange van die skool as 'n eerste prioriteit te stel,
 - 2.3.5 die reëls en waardes van hierdie skool ten volle te gehoorsaam en na te strew,
 - 2.3.6 sodanig op te tree dat hoë gehalte onderwys ononderbroke aan alle leerders voorsien kan word,
 - 2.3.7 'n kultuur van verdraagsaamheid en vrede in die skool te vestig, te handhaaf en te respekteer, en die opvoedkundige beginsels van die skool te respekteer.

3. **WETLIKE BEVOEGHEID VIR BEHEER EN DISSIPLINE**

- 3.1 Volgens die SA Skolewet (84/96) het die beheerliggaam die mag om dissipline in die skool te handhaaf.
- 3.2 Die beheerliggaam van Jacobsdal Primêre Skool oefen hierdie mag uit binne die eise wat algemeen geld in die **vrywillige godsdiensoefening opvoedingsfilosofie**.
- 3.3 Leerders is verplig om gehoor te gee aan hierdie Gedragskode. Indien die leerder die Gedragskode verbreek, kan optrede teen hom/ haar verwag word.
- 3.4 Niks stel die leerder daarvan vry om gehoor te gee aan die Gedragskode van hierdie skool nie.
- 3.5 Ingevolge hierdie Gedragskode het elke opvoeder verbonde aan hierdie skool die reg om die leerder te beheer en te dissiplineer gedurende enige skool- of skoolverwante aktiwiteit.
- 3.6 Hierdie gedragskode verleen aan die prinsipaal of enige opvoeder die bevoegdheid om, waar daar redelike vermoede en voldoende inligting bestaan, enige leerder of sy eiendom te laat deursoek vir ongewenste items. Die volgende wette is hier van toepassing:
 - Wet op die Beheer van Toegang tot Openbare Persele en Voertuie (53/1985)
 - Wet op Dwelms en Dwelmhandel (140/1992)

4. **GEDRAGSKODE VIR LEERDERS:**

- 4.1 Elke leerder van hierdie skool het die verantwoordelikheid om nou tydens die Covid 19 pandemie hom-/haarself en sy/haar mede skolier en onderwysers te beveilig teen die virus deur alle Covid en voorgeskrewe regulasie nougeset na te kom. Indien nie maak hy/sy hom-/haarself skuldig aan verbreking van die gedragskode en sal hy/sy volgens die dissiplinebeleid gedissiplineer word indien hy/sy oortree het.
- 4.2 Elke leerder wat aansoek om toelating tot hierdie skool doen, moet die Gedragskode bestudeer en dit onderteken voor toelating.
- 4.3 Die leerder word verplig om te voldoen aan die vereistes van die Gedragskode

- 4.4 Die leerder moet te alle tye na skoolure hul onderwysers as opvoeder, hulself, hul maats, hul leiers en besoekers respekteer, altyd hoflik en gemanierd optree en die skool se etos en die 7 waardes ten volle uitleef.
- 4.5 Die leerders moet gehoorsame gedrag openbaar en teepratory vermy.
- 4.6 Die leerder is verplig tot heelhartige samewerking in alle redelike en billike opdragte wat van die opvoeders ontvang word.
- 4.7 Die leerder moet te alle tye, ook na skoolure, hoflik en met respek optree teenoor sy opvoeders, die nie-opvoeders, besoekers aan die skool en die ouerkorps van die skool.
- 4.8 Die leerder moet mense se andersheid respekteer en altyd so optree dat dit ander se menswaardigheid bevorder / versterk.
- 4.9 Elke leerder is individueel en gesamentlik verantwoordelik vir die waardering en bewaring van die skool se geboue, toerusting, aparatuur en fasiliteite.
- 4.10 Die leerder moet sy ouers aanmoedig om skoolgeld te betaal en om skoolaktiwiteite te ondersteun.
- 4.11 Die leerders moet hulle neerlê by die skool en klaskamer se reëls wat deur al die betrokke partye opgestel is.
- 4.12 Die leerder aanvaar die gesag van persone in bevel van orde en dissipline in die skool en sal hom/haar by oortreding aan toepaslike strawwe onderwerp.
- 4.13 Van leerders word verwag om betrokke te wees by en, indien sover moontlik sal deelneem aan die buitekurrikulêre program en aktiwiteite wat die skool hom of haar bied.
- 4.14 Van leerders word verwag om te alle tye sportiewe gedrag te toon tydens alle sportaktiwiteite.
- 4.15 Die leerder onderneem om hom/haar ook by buitekurrikulêre geleenthede te onderwerp aan die skoolreëls.
- 4.16 Elke leerder moet die skool se kleredragreëls nakom tot uitbouing van die positiewe beeld van die skool.
- 4.17 Elke leerder aanvaar die beginsel van uniforme skooldrag, netjiese voorkoms en onderneem om die voorskrifte van persoonlike voorkoms na te kom soos deur die skoolreëls bepaal.
- 4.18 Die leerder moet die simbole van die skool respekteer en daadwerklik bevorder.
- 4.19 Voorskrifte rakende klaswisseling, klaskamerreëls, die verantwoordelike gebruik van mediasentrum, saal, gimnastieksaal, swembad, toilette, voertuie, ens, moet in alle opsigte nagekom word.
- 4.20 Die leerder mag nie 'n ander persoon se veiligheid in gevaar stel of bedreig nie. Graadgroepe mag nie met leerders jonger en ouer as hulle speel nie. Vreemdelinge moet vermy en aangemeld word en werkers op terrein moet vermy word.
- 4.21 Geen leerder naby enige meganiese apparaat of waar daarmee gewerk word nie. [Bv. Balanseerdag en grassnyer.]
- 4.22 Leerders mag nie rommel strooi in die klaskamers, die stoepe, ander lokale en die terrein nie en van die asblikke gebruik maak.
- 4.23 Tree altyd met verantwoordelikheid en respek op in badkamers omdat dit 'n plek is van privaatheid.
- 4.24 Leerders mag nie nader as 5 meter van skoolgrond se heining wees nie.
- 4.25 Leerders moet die skoolpatrolië gehoorsaam en positief en flink reageer op die bevel van die span.
- 4.26 Leerders mag hulle nie skuldig maak aan enige aard van ongewenste gebruik van sosiale media op die skoolterrein en by sportgeleenthede of tydens 'n busrit nie.
- 4.27 Leerders mag onder geen omstandighede hulself skuldig maak aan die aanstuur van ongewenste materiaal of wanneer hulle ongewenste materiaal pers sosiale media ontvang dit aanstuur aan enige leerder van Jacobsdal Primêre Skool nie.
- 4.28 Geen leerder mag in besit wees van 'n selfoon of enige ander kommunikasie apparaat tydens skoolure nie.

4.29 Ten opsigte van klaskamerpraktyk moet die leerder:

- 4.29.1 positief aan klasaktiwiteite deelneem
- 4.29.2 nie ontwrigtend op die onderrigproses inwerk nie
- 4.29.3 huiswerk netjies en getrou doen
- 4.29.4 pligsgetrou in hul skoolwerk en deeglik vir evalueringsgeleenthede voorberei en
- 4.29.5 honderd persent eerlik wees tydens evaluering en die doen van huiswerk en nie verdra dat ander leerders oneerlik optree nie.
- 4.30 Die leerder moet altyd die belange van die skool vooropstel en nie persoonlike begunstiging of bevoordeling soek nie.
- 4.31 Die leerder moet elke skooldag stiptelik aanmeld vir skool en nie die skool vroeër verlaat nie.
- 4.32 Leerders mag nie die skoolterrein verlaat sonder toestemming nie.
- 4.33 Die leerder moet altyd vir volwassenes opstaan en vriendelik groet ten einde sy respek te betoon.
- 4.34 Gereelde skoolbywoning is verpligtend. Die ouer / wettige voog moet die leerder se afwesigheid verklaar.
- 4.35 Die finale verantwoordelikheid vir die gedrag van leerders berus by hulle ouers / voogde.
- 4.36 Dit is die plig van die leerder om altyd sodanig op te tree dat dit die skool tot eer strek ook na skoolure.
- 4.37 Leerders moet jaarliks heraansoek doen vir toelating.